

水經注箋卷第二十五

漢 桑 欽撰

後魏 酈道元 注

明 李長庚訂

孫汝澄

朱謀瑋箋

李克家全校

泗水 沂水

泗水出魯卞縣北山

地理志曰出濟陰乘氏縣又云出卞縣北經言北山皆為非矣山海經曰泗水出魯東北余昔因公事泂歷徐沆路逕洙泗因令尋其源流水出卞縣故城東南桃墟西北春秋昭公七年謝息納季孫

水經注箋 卷二十五

三百四十七

之言以孟氏成邑與晉而遷于桃杜預曰魯國卞

縣東南有桃墟世謂之曰陶墟舜所處也井曰舜

井皆為非也墟有澤澤方一十五里御覽引此注云陶墟舜所

陶墟也井曰舜井皆為此也墟有漏澤方一十五里淶水微渟當作三丈如

減澤西際阜俗謂之媯亭山蓋有陶墟舜井之言

因復有媯亭之名矣阜則有三石穴廣圓三四尺

穴有通否水有盈漏數夕之中則傾陂竭澤矣御覽

引此注云阜側有三石穴廣圓三四尺穴有通否水有盈漏漏則數夕之中傾陂竭澤矣左右

民居識其將漏預以木為曲狀約鄣穴口魚鼈暴

鱗不可勝載矣自此連岡通阜西北四十許里岡

之西際便得泗水之源也博物志曰泗出陪尾蓋斯阜者矣石穴吐水五泉俱導泉穴各徑尺餘水源南側有一廟栝栢成林時則謂之原泉祠非所究也泗水西逕其縣故城南春秋襄公二十年季武子取卞曰聞守卞者將叛臣率徒以討之是也南有姑蔑城春秋隱公元年公及邾儀父盟于蔑者也水出二邑之間西逕郚城北春秋文公七年經書公伐邾三月甲戌取須句遂城郚杜預曰魯邑也卞縣南有郚城備邾難也泗水自卞而會於洙水也

水經注箋

卷二十五

二

三百六十

西南逕魯縣北

泗水又西南流逕魯縣分爲二流水側有一城爲二水之分會也北爲洙瀆春秋莊公九年經書冬浚洙京相璠曰杜預並言洙水在魯城北浚深之爲齊備也南則泗水夫子教于洙泗之間今於城北二水之中卽夫子領徒之所也從征記曰洙泗二水交於魯城東北十七里闕里背洙泗牆南北一百二十步東西六十步四門各有石闕北門去洙水百步餘後漢初闕里荆棘自闕從講堂至九里鮑永爲相因修饗祠以誅魯賊彭豐等郭緣生

言泗水在城南非也。余按國語宣公夏濫于泗，
里革斷罟棄之。韋昭云：泗在魯城。當作北史記家
記王隱地道記咸言葬孔子於魯城北泗水。今
泗水南有夫子冢。春秋孔演圖曰：鳥化為書，孔子
奉以告天，赤爵銜書上化為黃玉，刻曰：孔提命作
應法為赤制。說題辭曰：孔子卒，以所受黃玉葬魯
城北，即子貢廬墓處也。譙周云：孔子死後，魯人就
冢次而居者百有餘家，命曰孔里。孔叢子曰：夫子
墓塋方一里，在魯城北六里，泗水上。諸孔氏封五
十餘所，人名昭穆不可復識，有銘碑三所，獸碣具

水經注箋

卷三十五

存皇覽曰：弟子各以四方奇木來植，故多諸異樹。
不生棘木刺草，今則無復遺條矣。聖賢冢墓記云：孔子冢塋中樹

以百數皆異種，世世無能名其樹者。其樹皆弟子持其方樹來種之，有存枌、雜、離、女貞、五味、堯、檀之屬。
泗水自城北南逕魯城西南，合沂水。沂水出魯

城東南尼丘山西北山，即顏母所祈而生孔子也。
山東一十里有顏母廟，山南數里。孔子父葬處禮
所謂防墓崩者也。平地發泉流，逕魯縣故城南水
北東門外，即爰居所止處也。國語曰：海鳥曰爰居，
止於魯城東門之外三日，臧文仲祭之，展禽譏焉。
故莊子曰：海鳥止郊，魯侯觴之，奏以廣樂，具以太

牢三日而死此養非所養矣門郭之外亦戎夷死處呂氏春秋曰昔戎夷違齊如魯天大寒而後門與弟子宿於郭門外寒愈甚謂弟子曰子與我衣我活我與子衣子活我國士也為天子當作天子惜子不肖人不足愛弟子曰不肖人惡能與國士并衣哉戎歎曰不濟夫解衣與弟子半夜而死沂水北對稷門昔圉人犖有力能投蓋于此門服虔曰能投千鈞之重過門之上也杜預謂走接屋之椽反覆門上也春秋僖公二十年經書春新作南門左傳曰書不時也杜預曰本名稷門僖公更高大之水經注箋

卷二十一

四

四百二十六

今猶不與諸門同故名高門也其遺基猶在地八丈餘矣亦曰雩門春秋左傳莊公十年公子偃請擊宋師竊從雩門蒙臯比而出者也門南隔水有雩壇壇高三丈曾點所欲風舞處也高門一里餘道西有道兒君碑是魯相陳君立昔曾參居此梟不入郭縣即曲阜之地少昊之墟有大庭氏之庫春秋豎牛之所攻也故劉公幹魯都賦曰戢武器於有災之庫有災字誤玉海引此注作有災是也古史考云大庭氏姜姓以火德王號帝放戎馬於巨野之圳周武王封姬旦於曲阜曰魯秦始皇二十三年以為薛郡漢高后元年為

魯國阜上有季氏宅。宅有武子臺。今雖崩夷。猶高

數丈。臺西百步有大井。廣三丈。深十餘丈。以石壘

之。石以磬制。春秋宣公十二年。孫按左傳是定公十二年。公山

不狝帥費攻魯。公入季氏之宮。登武子之臺也。臺

之西北二里有周公臺。高五丈。周五十步。臺南四

里許。則孔廟即夫子之故宅也。宅大一頃。所居之

堂。後世以為廟。漢高祖十三年過魯。以太牢祀孔

子。自秦燒詩書經典。淪缺。漢武帝時。魯恭王壞孔

子舊宅。得尚書春秋論語孝經。時人已不復知。有

古文謂之科斗書。漢書秘之。宋時秘之。作漢希有見者。

水經注箋

卷二十五

五

于時聞堂上有金石絲竹之音。乃不壞矣。廟屋三

間。夫子在西間。東向。宋本作西。顏母舊本作微母。在中

間。南面。夫人隔東一間。東向。夫子牀前有石硯。一

枚。作甚朴。云平生時物也。魯人藏孔子所乘車於

廟中。是顏路所請者也。獻帝時。廟遇火燒之。永平

中。鍾離意為魯相。到官出私錢萬三千文。付戶曹

孔訢治夫子車。身入廟。拭几席。劔履。男子張伯除

堂下草。土中得玉璧七枚。伯懷其一。以六枚白意

意。令主簿安置几前。孔子寢堂牀首有懸甕。意召

孔訢問何等甕也。對曰。夫子甕也。皆有丹書。人勿

敢發也意曰夫子聖人所以遺甕欲以懸示後賢

耳發之中得素書文曰後世修吾書董仲舒護吾

車拭吾履發吾筭會稽鍾離意壁有七張伯藏其

一意即召問伯果服焉魏黃初二年文帝令郡國

修起孔子舊廟置百夫吏卒舊本作置百尺吏卒吳本改作百夫埜按

曹植撰孔羨奉家祀碑云以議郎孔羨為宗聖侯邑百戶奉孔子之祀令魯郡修起舊廟置百戶吏

卒以守廟有夫子像列二弟子執卷立侍穆穆有

詢仰之容漢魏以來廟列七碑二碑無字栝栢猶

茂廟之西北二里有顏母廟廟像猶嚴有修栝五

株孔廟東南五百步有雙石闕即靈光之南門西北

水經注箋 卷二十五 六

百餘步即靈光殿基東西二十四丈南北十二丈

高丈餘東西廊廡別舍中間方七百餘步闕之東

北有浴池方四十許步池中有釣臺方十步池臺

悉石也遺基尚整故王延壽賦曰周行數里仰不

見日者也是漢景帝程姬子魯恭王之所造也殿

之東南即泮宮也在高門直北道西宮中有臺高

八十尺臺南水東西一百步南北六十步臺西水

南北四百步東西六十步臺池咸結石為之詩所

謂思樂泮水也沂水又西逕圓丘北丘高四丈餘

沂水又西流昔韓雉射龍於斯水之上尸子曰韓

雉見申羊於魯有龍飲於沂韓雉曰吾聞也出見
虎搏之見龍射之今弗射是不得行吾聞也遂射
之沂水又西右注泗水者也

又西過瑕丘縣東屈從縣東南流鄒水從東來注之

瑕丘魯邑春秋之負瑕矣襄公七年

孫按左傳是
哀公七年

季康子伐邾囚諸負瑕是也應劭曰瑕丘在縣西
南昔衛大夫公叔文子升於瑕丘蘧伯玉從文子
曰樂哉斯丘死則我欲葬焉伯玉曰吾子樂之則
瑗請前刺其欲害民良田也瑕丘之名蓋因斯以
表稱矣曾子弔諸負夏

公叔文子升於瑕丘曾子
弔諸負夏俱出檀弓上篇

水經注箋

卷二十五

七

四百
付年

鄭玄皇甫謐並言衛地魯衛雖殊土則一也鄒水
出東海合鄉縣漢和帝永寧九年封馬光子復為

侯國其水西南流入邾春秋襄公二年

孫按左傳
是哀公二

年季孫斯伐邾取鄒東田及沂西田是也鄒水又

逕魯國鄒山東南而西南流春秋左傳所謂嶧山
也邾文公之所遷今城鄒山之陽依巖岨以墉固
故邾婁之國曹姓也叔梁紇之邑也孔子生於此
後乃縣之因鄒山之名以氏縣也王莽之鄒亭矣
京相璠曰地理志嶧山在鄒縣北繹邑之所依為
名也山東西二十里高秀獨出積石相臨殆無土

壤石間多孔穴洞達相通往往有如數間屋處其

俗謂之嶧孔音遭亂輒將處音居音人入嶧外寇雖衆

無所施害永嘉中大尉郗鑒將鄉曲逃此山胡賊

攻守不能得今山南有大嶧名曰郗公嶧山北有

絕巖秦始皇觀禮於魯登於嶧山之上命丞相李

斯以大篆勒銘山嶺名曰晝門御覽引此注作晝

志作書門近是詩所謂保其鳧嶧者也潞水又西南逕蕃

縣故城南又西逕薛縣故城北地理志曰夏車正

奚仲之國也竹書紀年梁惠成王三十一年邳遷

于薛改名徐州城南山上有奚仲冢晉太康地記

水經注箋

卷二十五

奚仲冢在城南二十五里山上百姓謂之神靈也

齊封田文於此號孟嘗君有惠喻惠喻當作惠譽

也今郭側猶有文冢結石為郭作制嚴固瑩麗可

尋行人往還莫不逕觀以為異見矣潞水又西逕

仲虺城北晉太康地記曰奚仲遷於邳仲虺居之

以為湯左相其後當周爵稱侯後見侵削霸者所

絀為伯任姓也應劭曰邳存薛宋本作薛徐廣史記

音義曰楚元王子邳以呂后二年封上邳侯也孫

按史記楚元王子劉鄩客封上邳侯有下故此為上矣晉書地道記

曰仲虺城在薛城西三十里潞水又西逕至胡陸

縣入于泗故京相璠曰薛縣潯水首受蕃縣西注山陽胡陸是也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成王二十九年齊田盼及宋人伐我東鄙圍平陽者也王莽改之曰龟平矣泗水又南逕故城西世謂之漆鄉應劭十三州記曰漆鄉邾邑也杜預曰平陽東北有漆鄉潯今見有故城西南方二里所未詳也

又南過高平縣西洸水從北西來流注之

水經注箋

卷二十五

九

三百七十五

泗水南逕高平山山東西十里南北五里高四里與衆山相連其山最高頂上方平故謂之高平山縣亦取名焉泗水又南逕高平縣故城西漢宣帝地節三年封丞相魏相為侯國高帝八年封將軍陳錯為橐侯史記漢書功臣表並作橐侯陳錯為將從擊陳豨有功舊本水經注亦作橐侯此注改作橐侯未知何據豈臯君所見史漢別本有異乎地理志曰縣故山陽之橐也舊本橐作橐王莽改曰高平應劭曰章帝改按本志曰王莽更名章帝因之矣所謂洸水者洸水也蓋洸洸相入受通稱矣

又南過方輿縣東

漢地理志方輿縣屬山陽郡晉灼音房豫

山陽郡之方輿縣
高平縣之方輿縣
山陽郡之方輿縣
高平縣之方輿縣
山陽郡之方輿縣
高平縣之方輿縣

漢哀帝建平四年縣女子田無醫生子先未生二月兒啼腹中及生不舉葬之陌上三日人過聞啼聲母掘養之

荷水從西來注之荷當作荷

荷水即沛水之所苞注以成湖澤也而東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水公注于荷故因以名焉

又屈東南過湖陸縣南海涓涓水宋本作涓涓水從東北來流注之

水經注箋 卷二十五

十一

三百三十七

地理志曰故湖陸縣也荷水在南王莽更曰湖陸應劭曰尚書一名湖陵章帝封東平王蒼子為湖陵侯更名湖陵也泗水又東逕郟鑿所築城北又東逕湖陵城東南昔桓温北入也范曄擒慕容忠於此城東有度尚碑泗水又左會南梁水地理志曰水出蕃縣今縣之東北平澤出泉若輪焉發源成川西南流分為二水北枝水西出逕蕃縣北西逕滕城北春秋左傳隱公十一年滕侯薛侯來朝爭長薛侯曰我先封滕侯曰我周之十正也薛庶姓也我不可以後之公使羽父請薛侯曰君辱在

寡人周諺有之曰山有木工則度之賓有禮主則
擇之周之宗盟異姓為後寡人若朝于薛不敢與
諸任齒君若辱貶寡人則願以滕君為請薛侯許
之乃長滕侯者也漢高祖封夏侯嬰為侯國號曰
滕公鄧晨曰今沛郡公丘也其水又漑於丘焉於
當作縣故城在滕西北按地理志即滕也周懿王
子錯叔繻文公所封也埤按左傳富辰曰管蔡鄭
霍魯衛毛聃部雍曹滕畢
原鄧郇文之昭也世本云周文王子錯叔繻封于
滕杜預世譜並同唯漢書地志沛郡公丘縣注謂
滕是周懿王子錯叔繻齊滅之秦以為縣漢武帝
元朔三年封魯恭王子劉順為侯國世以此水漑

水經注箋

卷二十五

我良田遂及百秭故有兩溝之名焉南梁水自枝
渠西南逕魯國蕃縣故城東俗以南隣於濶亦謂
之西濶水南梁水又屈逕城南應劭曰縣古小邾
邑也地理志曰其水西流注于沛沛在湖陸西而
左注西宋本
作泗泗沛合流故地記或言沛入泗泗亦
言入沛互受通稱故有入沛之文闕駟十三州志
曰西至湖陸入泗是也經無南梁之名而有涓涓
之稱舊本作涓
涓下同疑即是水也戴延之西征記亦言
湖陸縣之東南有涓涓水亦無記於南梁謂是吳
王所道之瀆也余按湖陸西南止有宋本
是水廷

經作假去有通
疑作延之云

之蓋以國語云吳王夫差起師將北會黃池掘溝
於商魯之間北屬之沂西屬于沛以是言之故是
水爲吳王所掘非也余以水路求之止自泗川耳
蓋北達沂西北逕於商魯而接於沛吳所浚廣耳
非謂起自東北受沂西南注沛也假之有通非吳
所趣年載誠眇人情厠近以今村古知一延之之
不通情理矣泗水又南瀆水注之又逕薛之上邳
城西而南注者也

又南過沛縣東

昔許由隱於沛澤卽是縣也縣蓋取澤爲名宋滅

水經注箋

卷二十五

十二

三百六十五

屬楚左泗水之濱於秦爲泗水郡治黃水注之黃
水出小黃縣黃鄉黃溝國語曰吳子會諸侯於黃
池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉
圈稱陳留風俗傳曰縣南有渠水於春秋爲宋之
曲棘里故宋之別都矣春秋昭公二十五年宋元
公卒於曲棘是也宋華元居於稷里宣公十五年
楚鄭圍宋晉解揚圍楚致命于此宋人懼使華元
乘圍夜入楚師登子反之床曰寡君使元以病告
弊邑易子而食析骸以爨城下之盟所不能也子

反退一舍宋楚乃平今城東闔上猶有華元祠
之不輟城北有華元冢黃溝自城南東逕葵丘下
春秋僖公九年齊桓公會諸侯于葵丘宰孔曰齊
侯不務德而勤遠畧北伐山戎南伐楚西爲此會
東畧之不知西則否矣其有亂乎君務靖亂無勤
於行晉侯乃還卽此地也黃溝又東注大澤蒹葭
莞葦生焉卽世所謂大濟陂也陂水東北流逕定
陶縣南

又東逕山陽郡

成武縣之楚丘亭北黃溝又東逕郟城北成武縣

水經注箋

卷三十五

十三

三百六十一

故城南王莽更之曰成安也黃溝又東北逕郟城
北春秋桓公二年經書取郟大鼎于宋戊申納于
大廟左傳曰宋督攻孔父而取其妻殺殤公而立
公子憑以郟大鼎賂公臧僖伯諫爲非禮十三州
志曰今成武縣東南有郟城俗謂之北郟者也黃
溝又東逕平樂縣故城南又東右合泡水卽豐水
之上源也水上承大濟陂東逕貫城北又東逕巴
氏縣故城北王莽之巴善也縣有伊尹冢崔駰曰
殷帝沃丁之時時伊尹卒葬于薄皇覽曰伊尹冢
在濟陰巴氏平利鄉皇甫謐曰伊尹年百餘歲而

此句題屬上注
文並據下成武

三非經也

成武

成武

卒大霧三日沃丁葬以天子之禮親自臨喪以
大德焉又東逕孟諸澤杜預曰澤在梁國睢陽
東北逕邙城縣故城南地理志曰山陽縣也王莽
更名之曰郟城矣故世有南部北郟之論也又東
逕單父故城南昔宓子賤之治也孔子使巫馬期
觀政入其境見夜漁者問曰子得魚輒放何也曰
小者吾大夫欲長育之故也子聞之曰誠彼形此
子賤得之善矣惜哉不齊所治者小也王莽更名
斯縣爲利善矣世祖建武十三年封劉茂爲侯國
又東逕平樂縣右合泡水水上承淮水一作濰水於

水經注箋

卷三十五

下邑縣界東北注一水上承淮水於杼秋縣界北
流世又謂之瓠盧溝水積爲渚渚水東北流二渠
雙引左合澧水俗謂之二泡也自下澧泡並得通
稱矣故地理志曰平樂侯國也泡水所出又逕豐
西潭謂之豐水漢書稱高祖送徒麗山徒多亡到
豐西澤有大蛇當徑拔劍斬之此卽漢高祖斬蛇
處也又東逕大偃水分爲二又東逕豐縣故城南
王莽之吾豐也水側城東北流右合枝水上承豐
西大偃偃當作堰派流東北逕豐城北東注澧水澧水
又東合黃水時人謂之狂水蓋狂黃聲相近俗傳

上卷大偃水加
此言為通云

漢書作澤

與此同音

與此同音

與此同音

與此同音

失實也。自下黃水，又兼通稱矣。水上舊有梁謂之

泡橋。王智深宋史云：宋太尉劉義恭於彭城遣軍

正舊本作遣軍，王吳本改作軍。正並誤，當作軍。主

景鄭逸逆擊侯，景是其例也。稽玄敬北至城，覘候魏軍，魏軍於清

西望見玄敬士眾，魏南康侯杜道儁引趣泡橋。沛

縣民逆燒泡橋，又於林中打鼓，儁謂宋軍大至，爭

渡泡水。水深酷寒，凍溺死者殆半。清水即泗水之

別名也。沈約宋書稱魏軍欲渡清，西非也。泡水又

東逕沛縣故縣疑城南。秦末兵起，蕭何曹參迎漢

祖於此。城高，帝十一年封合陽侯劉仲子為侯國。

水經注箋

卷二十五

城內有漢高祖廟，廟前有三碑。後漢立廟，基以青

石為之。階陛尚存。劉備之為徐州也，治此。袁術遣

紀靈攻備，備求救呂布，布救之。屯小沛，招靈請備

共飲，布謂靈曰：玄德布弟也，布性不喜合鬪，但意

解鬪，乃植戟於門，布彎弓曰：觀布射戟。小支中者

當各解兵，不中可留決鬪。一發中之，遂解。此即布

射戟支處也。述征記曰：城極大，四周塹，通豐水，豐

水於城南東注，泗即泡水也。地理志曰：泡水自平

樂縣東北至沛，入泗者也。泗水南逕小沛縣東，縣

治故縣南，垞上東，岍有泗水亭。漢祖為泗水亭長。

請以當作

卽此亭也。故亭今有高廟，廟前有碑。延熹十年立。廟闕崩，禡畧無全者。水中有故石梁處，遺石尚存。高祖之破黥布也，過之置酒沛宮，酒酣歌舞慷慨。傷懷曰：遊子思故鄉也。泗水又東南流，逕廣戚縣。故城南，漢武帝元朔元年封劉澤爲侯，國王莽更之曰力聚也。泗水又逕留縣，而南逕垞城，東城西。南有崇侯虎廟，道淪遺愛，不知何因而遠有此圖。泗水又南逕宋大夫桓魋冢，西山抗泗水上而盡。石鑿而爲冢，今人謂之石郭者也。郭有二重石，作工巧，夫子以爲不如死之速朽也。

石樽事
具檀弓

水經注箋

卷三十五

十六

王榮
三百字

又東南過彭城縣東北

泗水西有龍華寺，是沙門釋法顯遠出西域浮海東還持龍華圖，首創此制，法流中夏，自法顯始也。其所持天基二石，仍在南陸東基堪中，其石尚光潔可愛。泗水又南，淮水入焉，而南逕彭城縣故城。東周顯王四十二年，九鼎淪沒，泗淵秦始皇時而鼎見於斯水，始皇自以德合三代，大喜，使數千人沒水求之，不得，所謂鼎伏也。亦云系而行之未出，龍齒齧斷其系，故語曰：稱樂大早絕，鼎系當是孟浪之傳耳。泗水又逕龔勝墓，南墓碣尚存，又經亞

父冢東皇覽曰亞父冢在廬江縣郭東居巢亭中
有亞父井吏民親事皆祭亞父於居巢廳上後更
造祠於郭東至今祠之按漢書項羽傳歷陽人范
增未至彭城而發疽死不言之居巢今彭城南有
項羽掠馬臺臺之西南山麓上卽其冢也增不慕
范蠡之舉而自絕於斯可謂褊矣推考書墓事近
於此也

又東南過呂縣南

呂宋邑也春秋襄公元年晉師伐鄭及陳楚子辛
救鄭侵宋呂留是也縣對泗水漢景帝三年有白

水經注箋

卷二十五

十七

頸烏與黑烏羣鬪於縣白頸烏不勝墮泗水中死
者數千京房易傳曰逆親親厥妖白黑烏鬪時有
吳楚之反泗水之上有石梁焉故曰呂梁也昔宋
景公以弓工之弓彎弧東射矢集彭城之東飲羽
於石梁卽斯梁也懸濤瀟澗實爲泗嶮孔子所謂
魚鼈不能游又云懸水三十仞流沫九十里今則
不能也蓋惟嶽之喻未便極天明矣晉太康地記
曰水出磬石書所謂泗濱浮磬者也泗水又東南
流丁溪水注之溪水上承泗水於呂縣東南流北
帶廣隰山高而注于泗川泗水冬春淺澁常排沙

遙道是以行者多從此溪。卽陸賦所云乘丁水之捷岸。排泗川之積沙者也。晉太原九年左將軍謝玄於呂梁遣督護聞人奭用工九萬擁水立七堦以利運漕者。堦當作埭。晉書謝玄堰呂梁水植柵立七埭爲派。擁二岸之流以利漕運。又東南過下邳縣西。

泗水歷縣逕葛嶧。山東卽奚仲所遷邳嶧者也。泗水又東南逕下邳縣故城西。東南流沂水流納注焉。故東海屬縣也。應劭曰奚仲自薛徙居之。故曰下邳也。漢徙齊王韓信爲楚王都之後乃縣焉。王莽之閏儉東陽郡治文潁曰秦嘉東陽郡今下邳。

水經注箋

卷三十五

十六

是也。晉灼曰東陽縣本屬臨淮郡。明帝分屬下邳。後分屬廣陵。故張晏曰東陽郡今廣陵郡也。漢明帝置下邳郡矣。城有三重。其大城中有司馬石苞鎮東將軍胡質司徒王渾監軍石崇四碑。南門謂之白門。魏武擒陳宮於此處矣。中城呂布所守也。小城晉中興北中郎將荀羨郗曇所治也。昔太山吳伯武少孤與弟文章相失二十餘年。遇於縣市。文章欲歐伯武。心神悲慟。因相詢問。乃兄弟也。風俗

通云泰山吳文章少與兄伯武相失二十餘年後會下邳布爭鬪伯武毆之文章不忍報更相借問乃親兄也文章後縣爲沂泗之會也。又有武原水注

官陳留太守

之水出彭城武原縣西北會注陂南逕其城西王莽之樂亭也縣東有徐廟山山因徐徙以卽名之也山上有石室徐廟也武原水又南合武水謂之洳水南逕剛亭城又南至下邳入泗謂之武原水口也又有桐水出西北東海容丘縣東南至下邳入泗泗水東南至下相縣故城東王莽之從德也城之西北有漢太尉陳球墓墓前三碑是弟子管寧華歆等所造初平四年曹操攻徐州破之拔取慮睢陵夏丘等縣以其父避難被害於此屠其男女十萬泗水爲之不流自是數縣人無行跡亦

水經注箋

卷二十五

爲暴矣泗水又東南得睢水口泗水又逕宿預城之西又逕其城南故下邳之宿留縣也王莽更名之曰康義矣晉元皇之爲安東也督運軍儲而爲邸閣也魏太和中南徐州治後省爲戍梁將張惠紹北入水軍所次憑固斯城更增修郭塹其四面引水環之今城在泗水之中也

又東南入于淮

泗水又東逕陵柵南西征記曰舊陵縣之治也泗

水又東南逕淮陽城城

一本無城字

北臨泗水昔菑丘

訢飲馬斬蛟眇目於此處也

韓詩外傳東海有勇士菑丘訢過神泉飲

馬馬為蛟所取訖拔劍入水三日三夜殺二蛟
出雷神隨而擊之眇其左目吳越春秋作椒丘
云訖為齊王使吳過淮津飲馬於淮水神取其馬
訖大怒袒裼持劍入水求神大戰連日乃出眇其
目泗水又東南逕魏陽城北城枕泗川陸機行思
賦曰行魏陽之枉渚故無魏陽疑卽泗陽縣故城
也王莽之所謂淮平亭矣蓋魏文帝幸廣陵所由
或因變之未詳也泗水又東逕角城北而東南流
注于淮考諸地說或言泗水於睢陵入淮亦云於
下相入淮皆非實錄也

沂水出泰山蓋縣艾山

鄭玄云出沂山亦或云臨樂山水有三源南源所

水經注箋

卷二十五

二十

四百二十六

導世謂之柞泉屯水所發俗謂之魚窟山御覽引此注云

臨樂山水有二源南源所導世謂之柞泉北水所發俗所謂魚窟泉俱東南流合成

一川右會洛預水水出洛預山東北流注之沂水

東南左合桑預水水比出桑預山東流一作于沂

水沂水又東南螳蜋水入焉出魯山東南流右注

沂水水又東逕蓋縣故城南東會連綿之水水發

連綿山南流逕蓋城東而南入沂沂水又東逕浮

來之山春秋經書公及莒人盟于浮來者也卽公

來山也在邳鄉西故號曰邳來之間也浮來之水

注之其水左控三川右會甘水而注于沂沂水又

鄆亭在鄆

南逕爆山西山有二峰相去一里雙巒齊秀員時

若一沂水又東南逕東苑縣故城西與沂水合蓋

康曰縣故鄆邑今鄆亭是也漢武帝元朔二年封

城陽共王弟吉為東苑侯孫按史漢年表俱作東苑侯索隱曰屬鄆郡

魏文帝黃初中立為東苑郡晉書地志云太康元年分鄆郡置東苑郡

統縣入一曰東苑故魯鄆邑也曰朱虛營陵東燕

錄謂之團城劉武帝北伐廣固登之以望王難王難

字誤當作五龍廣固有五龍口壘其口則城必陷詳具二十六卷魏南青州治左

氏傳曰莒魯爭鄆為日多宋本矣作久今城北鄆亭是

也京相璠曰琅邪姑幕縣南四十里員亭故魯鄆

水經注箋

卷二十五

邑世變其字非也郡國志東苑有鄆亭今在團城

東北四十里猶謂之故東苑城矣小沂水出黃孤

山西南流逕其城北西南注于沂沂水又南與閭

山水合水出閭山東南流右佩二水總歸于沂沂

水南逕東安縣故城東而南合時密水水出時密

山莒地莒人歸其仲于魯及密而死是也密水東

流逕東安城南漢封魯孝王子強為東安侯漢地理志

東海郡有東安縣王子子侯表云廿密水又東南流

入沂沂水又南桑泉水北出五女山東南流巨圍

水注之水出巨圍之山東南注于桑泉水桑泉水

又東南堂阜水入焉其水導源堂阜春秋莊公九年管仲請囚鮑叔受之及堂阜而稅之杜預曰東莞蒙陰縣西北有夷吾亭者是也堂阜水又東南注桑泉水桑泉水又東南逕蒙陰縣故城北王莽之蒙恩也又東南與雙崗水合水有二源雙會東導一川俗謂之汶水也東逕蒙陰縣注桑泉水又南東廬川水注之水出鹿嶺山東南流左則三川臻湊右則諸葛泉源斯奔亂流逕城陽之盧縣故蓋縣之盧上里也漢武帝元朔二年封城陽共王弟劉稀為侯國漢書王子侯表云城陽共王弟稀封雷侯瑋按盧與雷古字通用周

水經注箋

卷二十五

二十三

四百十七

禮盧經讀作雷雍是也

王莽更名之曰著善矣又東南注于

桑泉水桑泉水又東南右合蒙陰二水水出蒙陰

山東北流昔琅邪承宮避亂此山立性好仁不與

物競人有認其黍者捨之而去東漢記承宮將妻于入華蓋蒙陰

山谷耕種禾黍人有認其黍者亦不與競捨之而去其水東北流入沂沂水

又南逕陽都縣故城東縣故陽國也齊同盟齊利

其地而遷之者也漢高帝六年封將軍丁復為侯

國沂水又南與蒙山水合水出蒙山之陰東流逕

陽都縣南東注沂水沂水又左合溫水水上承溫

泉陂而西南入于沂水者也

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左傳曰書不時也沂水又南逕臨沂縣故城東郡國志曰琅邪有臨沂縣故屬東海郡有洛水注之水出太山南武陽縣之冠石山地理志曰冠石山洛水所出應劭地理風俗志曰武水出焉蓋水異名也東流逕蒙山下有蒙祠洛水又東南逕顓臾城北郡國志曰縣有顓臾城季氏將伐之孔子曰昔者先王以爲東蒙主社稷之臣也何以伐爲冉有曰今夫顓臾固而便近於費者也洛水又東南流

水經注箋

卷二十五

三十一

全

逕費縣故城南地理志東海之屬縣也爲魯季孫之邑子路將墮之公山弗擾師襲魯弗克後季氏爲陽虎所執弗擾以費畔卽是邑也漢高帝六年封陳賀爲侯國王莽更名之曰順從也許慎說文云沂水出東海費縣東西入泗從水斤聲呂忱字林亦言是矣斯水東南所注者沂水在泗不得言東南趣也皆爲謬矣故世俗謂此水爲小沂水洛水又東南逕祊城南春秋隱公八年鄭猶請釋太山之祀而祀周公使宛歸泰山之祊而易許田杜預釋地曰祊鄭祀泰山之邑也在琅邪費縣東南

洛水又東南流注于沂沂水又南逕開陽縣故城
東縣故邳國也春秋左傳昭公十八年邾人襲邳
盡俘以歸邳子曰余無歸矣從孥于邾是也後更
名開陽矣春秋哀公三年經書季孫斯叔孫州仇
帥師城啓陽者是矣縣故琅邪郡治也

人東過襄賁縣東屈從縣西南流又屈南過郯縣西
魯連子稱陸子謂齊湣王曰魯費之衆臣甲舍于
襄賁者也王莽更名章信也郯故國也少昊之後
春秋昭公十七年郯子朝魯公與之宴昭子叔孫
婞問曰少昊鳥名官何也郯子曰吾祖也我知之

水經注箋

卷二十五

黃帝炎帝以雲火紀官太皞以龍紀少皞瑞鳳鳥
統歷鳥官之司議政斯在孔子從而學焉既而告
人曰天子失官學在四夷者也

紀炎帝氏以火紀其工氏以水紀太皞氏以龍紀
我高祖少皞氏摯之立也鳳鳥適至故紀於鳥自
顯項以來不能紀遠乃紀於近為
民師而命以民事則不能故也
竹書紀年晉烈

公四年越子未旬滅郯以郯子鳩歸

於越子朱句伐
郯以郯子鳩歸
縣故舊魯也東海郡治秦始皇以
為郯郡漢高帝二年更從今名即王莽之沂平者

也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳子辭水道不可以行晉乃還是也地理志曰良城王莽更名承翰矣沂水於下邳縣北西流分爲二水一水於城北西南入泗一水逕城東屈從縣南亦注泗謂之小沂水水上有橋徐泗間以爲地昔張子房遇黃石公於圯上卽此處也建安二年曹操圍呂布於此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或作池字蓋字誤也洙水自山西北逕蓋縣漢景帝

水經注箋

卷二十五

三五

三百七十三

中元五年封后兄信爲侯國又西逕泰山東平陽縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改爲新泰縣也

西南至卞縣入于泗

洙水西南流盜泉水注之泉出卞城東北卞山之陰尸子曰孔子至於暮矣而不宿於盜泉渴矣而不飲惡其名也史記鄒陽傳注引尸子曰孔子至勝母縣暮矣而不宿而淮南子及

鹽鐵論並云里名勝母曾子不入

故論撰考識曰水名盜泉仲尼

不漱卽斯泉矣西北流注于洙水洙水又西南流

于下城西西南泗水亂流西南至魯縣東北又分
爲二水水側有故城兩水之分會也洙水西北流
逕孔里此是謂洙泗之間矣春秋之浚洙非謂始
導矣蓋深廣之耳洙水又西南枝津出焉又南逕
瑕丘城東而南入石門門又結石爲水門跨於水
上也西南流世謂之杜武溝洙水又西南逕南平
陽縣之顯閭亭西邾邑也春秋襄公二十一年經
書邾庶其以漆閭丘來奔者杜預曰平陽北有顯
閭亭十三州記曰山陽南平陽縣又有閭丘鄉從
征記曰杜謂顯閭丘也今按漆鄉在縣東北漆鄉
水經注箋

卷二十五

二十六

三十九十五

東北十里見有閭丘鄉顯閭非也然則顯閭自是
別亭未知孰是又南洸水注之呂忱曰洸水出東

平上水

當作承

汶水於岡縣西闡亭東爾雅曰汶別

爲闡其曰洛之波矣

一作其由洛之有波矣

洸水西南流逕

盛鄉城西京相璠曰岡縣西南有盛鄉城者也又
南逕太山寧陽縣故城西漢武帝元朔三年封魯
共王子劉恬爲侯國王莽改之曰寧順也又南洙
水枝津注之水首受洙西南流逕瑕丘城北又西
逕寧陽城南又西南入于洸水洸水又西南逕太
山郡乘丘縣故城東趙肅侯二十年韓將舉與齊

魏戰于乘丘即此縣也

史記世家趙肅侯二十二年

丘漢地志太山郡有乘丘乃史誤也

漢武帝元朔五年封中山靖王

子劉將夜為侯國也泚水又東南流注于洙水又

南至高平南入于泗水西有茅鄉城東去南平

二云當作高平三十里京相璠曰今高平縣西三十里有

故茅鄉城者也

四月十五日辰刻重刻到此

己未正月二十一日讀